

Bybelse Gebede [Deel 4] – Gebede wat Uitdaag

AFSKOP

Wat het die afgelope week in jou lewe gebeur wat jy graag met jou groep sal wil deel, of waarvoor jy gebed nodig het?

Hoe getrou was jy aan die EEN TREE wat jy wou gee die afgelope week?

VRAE VIR BESPREKING:

Werk deur al hierdie vrae VOOR julle Kleingroep byeenkoms. Dit help jou voorberei vir julle byeenkoms sodat julle 'n sinvolle bespreking kan hê. Skryf jou antwoorde neer. Julle gaan nie noodwendig al die vrae bespreek nie en ook nie noodwendig dit in die volgorde hanteer nie.

Sou iemand jou vra om hierdie week vir hulle te bid sonder verdere inligting, waarmee sou jy begin—fisiese nood of geestelike groei? Hoekom dink jy is dit só?

Hoe beïnvloed gebede vir ander mense jou eie geestelike wandel asook jou perspektief op God se werksaamhede in die wêreld?

Watter gebedsraamwerke was vir jou behulpsaam in die verlede of hede? (Het jy al ooit 'n raamwerk gebruik?)

Op 'n skaal van 1-10, hoe was jou private gebedlewe die afgelope week? Brei uit hoekom jy daardie waarde kies.

Lees deur die volgende gedeeltes en beantwoord die vrae:

Kol 1:10 & Ef 4:1

- In jou eie woorde, wat beteken dit “om ‘n lewe te lei wat die Here waardig is”?

- Hoekom is gehoorsaamheid so sentraal aan geestelike groei

- Wat dink jy is “goeie werke” waartoe God jou roep waar jy vrug kan dra?

Kol 1:11 & Jes 40:29-31

- Hoekom dink jy probeer ons uit eie krag dinge aanpak i.p.v om op God te leuen?

- Wat is die verskil tussen uitvermoë en geduld?

Kol 1:12-14 & 1 Tes 5:16-18

- Hoekom is danksegging so belangrik in gebed?

- Wat is ‘n paar praktiese maniere om dankbaarheid te kultiveer? (dink wat joernaal skryf, loop en bid, getuienisse en lofprijsing liedjies kan bydra)

- Hoe kan julle groep dankbaarheid as ‘n groep beoefen?

Samevatting

- Watter van Paulus se gebedsprioriteite daag jou tans die meeste uit— wysheid, gehoorsaamheid, standvastigheid of dankbaarheid? Hoekom?

- Hoe het hierdie gebed jou anders laat dink oor gebed vir jouself, ander en die kerk?

Hoe dink jy sal ‘n “gesonder Christen” of “gesonder kerk” lyk as ons soos Paulus bid?

GEBED EN OMGEE

Sluit julle tyd af deur gebedsversoeke met mekaar te deel. Indien iemand in die groep kan uithelp met die behoefte of uitdaging is dit goed. Bid saam vir mekaar en vir mekaar se behoeftes waaraan die groep nie verandering kan bring nie.

Jy is welkom om van julle groep se gebedsversoeke neer te skryf sodat jy verder deur die week daarvoor kan bid:

NEEM 'N VOLGENDE STAP

Hierdie gedeelte is vir na julle groepsbyeenkoms sodat jy in jou eie hart kan vasmaak en gehoorsaam kan wees aan wat die Heilige Gees vir jou in julle bespreking openbaar het. Sit 'n tydjie na julle groepstyd uit sodat jy kan nadink oor julle bespreking en tyd saam.

As jy terugdink oor julle groepstyd en julle bespreking, wat het vir jou uitgestaan? Wat verstaan jy beter? Wat kan jy met iemand deel? Waaroor moet jy nog bietjie nadink? Wat ervaar jy druk die Heilige Gees op jou hart om in hierdie week te doen? Neem 'n oomblik en dink na oor julle byeenkoms en skryf iets neer wat jy wil vasmaak in jou eie hart.
